

Incumbensa Marti concernent lavurs da cumplettaziun tar il relasch da finamiras e da directivas politicas surordinadas per la perioda da planisaziun 2021–2024

Cun il rapport e cun la dumonda al cussegl grond ha la cumissiun per politica da stadi e strategia elavurà – conform a la legislatura – e suttamess al cussegl grond l'avust 2019 per la conclusiun las finamiras politicas surordinadas per ils onns 2021–2024. Suenter la debatta parlamentara èsi chaussa da la regenza d'elavurar il program da la regenza ed il plan da finanzas sin basa da quests princips.

En in proceder atgnamain logic è questa incumbensa vegnida repartida fin ussa en incumbensas parzialas pli u main abstractas sur il program da la regenza da tut la legislatura. Ils pass parzials che vegnan deducids da quai n'èn strusch chapibels per il cussegl grond, èn formulads en ina moda memia generala, n'èn strusch mesirabels ed èn ultra da quai numerads en ina moda nunchapibla. En la controlla dal success annuala vegn alura ina finamira annuala giuditgada da la regenza sezza en moda memia pauc differenziada e memia pauc critica sco ademplida u betg ademplida.

Il proceder tschernì mussa, tant po vegnir constatà suenter l'emprima applicaziun durant 8 onns, in niz pauc concret e n'è – en spezial per il cussegl grond – nagin agid da controlla u da direcziun.

Las sutsegnadras ed ils sutsegnaders incumbenseschan perquai la regenza da suttametter al cussegl grond per la conclusiun almain 3 e maximalmain 8 projects da realisaziun concrets per mintga finamira politica surordinada concludida dal cussegl grond e da las directivas ch'èn vegnidas formuladas sin quella basa. In project duai vegnir preschentà e structurà sco incumbensa da project classica, nua ch'il product final, la via a quel, las finamiras d'etappa, la responsabladad per la realisaziun, ils meds finanzials ed il reporting èn fixads. Ils projects pon er vegnir liquidads cun las resursas existentas sco incumbensas normalas ch'èn domiciliadas en l'administraziun. Quellas incumbensas ston dentant esser mesirablas e provedidas cun in termin, sco er adattadas spezialmain per cuntanscher la finamira politica surordinada.

Il cussegl grond vegn infurmà – en la furma d'in reporting – durant l'entira legislatura ina giada l'onn sur il rapport da las finamiras annualas davart il progress dal project correspondent.

Cuira, ils 30 d'avust 2019

Marti, Hug, Hohl, Aebli, Berther, Bettinaglio, Bigliel, Brandenburger, Buchli-Mannhart, Caluori, Casty, Caviezel (Tavau Clavadel), Censi, Danuser, Della Cà, Deplazes (Rabius), Dürler, Ellemunter, Engler (Tavau Vitg), Epp, Felix, Flütsch, Föhn, Gasser, Geisseler, Giacomelli, Gort, Grass, Hartmann-Conrad, Hitz-Rusch, Holzinger-Loretz, Jenny, Jochum, Kappeler, Kasper, Koch, Kunz (Fläsch), Kunz (Cuira), Kuoni, Loi, Michael (Donat), Michael (Castasegna), Mittner, Müller (Susch), Natter, Niggli (Samedan), Niggli-Mathis (Grüsch), Papa, Pfäffli, Rüegg, Salis, Schutz, Stiffler, Tanner, Thomann-Frank, Thür-Suter, Ulber, Valär, von Ballmoos, Waidacher, Weidmann, Wellig, Widmer-Spreiter (Cuira), Costa, Engler (Surava), Niederreiter